



**SAMOSTALNI SINDIKAT OSNOVNOG OBRAZOVANJA I ODGOJA
FEDERACIJE BOSNE I HERCEGOVINE**

**INDEPENDENT TRADE UNION OF PRIMARY SCHOOLS EDUCATION
OF THE FEDERATION OF BOSNIA AND HERZEGOVINA**

Obala Kulina bana broj 1 71000 S A R A J E V O

Tel/fax: ++387 33 20 52 79 Tel/fax: ++387 33 21 32 56

E-mail: schools@bih.net.ba; schools1@bih.net.ba Web: www.sobih.ba

Transakcijski račun broj: 3389002206183142 UniCredit Bank Sarajevo;

Identifikacioni broj: 4200275500007 Porezni broj: 01075330

**P R A V I L A
ZA PROVOĐENJA IZBORA NA SVIM
NIVOIMA ORGANIZOVANJA SINDIKATA
U 2017. GODINI**

Sarajevo, januar/siječanj 2017. godine

Redovni demokratski izbori na svim nivoima organizovanja i djelovanja našeg Sindikata u 2017. godini provode se u izuzetno teškom i izazovnom vremenu, vremenu dubokih preloma u svim oblastima društvenog života i rada u našoj zemlji koje, pred ostalog, karakterišu ekonomska kriza koja se stalno produbljuje, bezakonje, opšte siromaštvo, ogromna nezaposlenost, neizvjesnost i onih koji su trenutno zaposleni, socijalna nesigurnost, kriminal, mito i korupcija.

Istovremeno, sve prisutniji su pokušaji da se Sindikat stavi na margine društvenih zbivanja, pokušaji raznih oblika pritisaka, zastrašivanja i širenja dezinformacija, posebno pokušaja razbijanja solidarnosti jedinstvenog sindikalnog djelovanja u ostvarivanju zajedničkih interesa i ciljeva.

Zbog svega iznesenog Sindikat se mora još više približiti svom članstvu ostvariti blisku saradnju, osjetiti i pružiti mu punu zaštitu, ali i uticati na šira zbivanja u društvu.

Ovogodišnji izbori ne smiju biti formalnost i ne smiju se svesti samo na personalne promjene već stvaralački čin opredjeljenosti, spremnosti i odlučnosti za produžetak kontinuiteta daljeg rasta, jačanja kao i još efikasnijeg djelovanja ukupne sindikalne organizacije.

Od izuzetne važnosti je i potreba mobiliziranja cjelokupnog članstva, odnosno potreba da članstvo u najvećem mogućem broju uzme učešća u izborima.

Inače, ovogodišnji izbori su prilika da se istaknu i sva pozitivna iskustva, ali i ukaže na ispoljene propuste i još uvijek prisutne slabosti u radu i djelovanju Sindikata.

Izbori su prilika da se preciziraju naredni programski ciljevi, kako oni trenutno aktuelni, tako i oni strateški dugoročni kao i obaveze organa i svakog člana pojedinačno na svim nivoima sindikalnog organizovanja.

Izbori treba da budu i odgovor sve prisutnijim osjećanjima nestrpljenja, neizvjesnosti i nesigurnosti, odnosno ohrabrenju svim članovima koji su nezadovoljni, ali koji šute, jer se boje da će ostati bez posla (radnog mjesta) samo zato što djeluju sindikalno i ukazuju na nezakonitosti, nepravdu ili samovolju pojedinaca, što su dio naše svakodnevnice.

U cilju obezbjeđenja kontinuiteta u radu i djelovanju neophodno je ponovo birati, u skladu sa Statutom našeg Sindikata, odnosno sačuvatiiskusne i hrabre već provjerene i u praksi dokazane sindikalne aktiviste, koji će, uz osvježenje novim mladim snagama, biti i dalje temelj svih aktivnosti.

Izbori treba da daju i odgovor kako brže i još odlučnije osigurati uslove za zadovoljenje interesa i potreba cjelokupnog sindikalnog članstva, prije svih njihove pravne sigurnosti na poslu i boljeg ekonomskog statusa u društvu.

Nema sumnje da će se i ovogodišnjim izborima pristupiti ozbiljno i odgovorno kao svakoj profesionalnoj obavezi; da će se poštovati utvrđeni rokovi; da će se izvršiti neophodne pripreme za kvalitetno organizovanje i provođenje cjelokupne aktivnosti. Svakako, u tome temeljna odgovornost leži upravo na svakom članu pojedinačno, naročito na povjereniku sindikalne podružnice.

U skladu sa članom 16, 17. i 20. Statuta Samostalnog sindikata osnovnog obrazovanja i odgoja Federacije Bosne i Hercegovine, kao i Odluke o izborima na svim nivoima organizovanja Sindikata u 2017. godini, **Upravni odbor Sindikata, na svojoj Sedmoj sjednici, održanoj 28. januara/siječnja 2017. godine u Zenici, d o n o s i**

**P R A V I L A
ZA PROVOĐENJE IZBORA NA SVIM
NIVOIMA ORGANIZOVANJA SINDIKATA
U 2017. GODINI**

Redovni izbori Samostalnog sindikata osnovnog obrazovanja i odgoja Federacije Bosne i Hercegovine će se u skladu sa Odlukom Upravnog odbora u svim sindikalnim podružnicama sprovesti u periodu **februar/veljača – juni/lipanj 2017. godine**, kako bi se nakon tih izbora u periodu **mart/ožujak – avgust/kolovoz 2017. godine** moglo prići izborima na nivou kantonalnih/županijskih povjereništava Samostalnog sindikata osnovnog obrazovanja i odgoja Federacije Bosne i Hercegovine.

Nakon provedenih izbora u sindikalnim podružnicama i na nivou kantona/županija izvršit će se sve neophodne pripreme za održavanje Skupštine Samostalnog sindikata osnovnog obrazovanja i odgoja Federacije Bosne i Hercegovine, **planirane za zadnji kvartal 2017. godine, a o tačnom terminu održavanja Skupštine, odluku će po ovlaštenju Upravnog odbora, donijeti Predsjedništvo Upravnog odbora SSOOIO FBIH.**

IZBORI U SINDIKALNIM PODRUŽNICAMA treba da se održe u navedenom razdoblju, jer tada ističe mandat svim sindikalnim i nadzornim odborima i povjerenicima i predsjednicima nadzornih odbora, bez obzira žele li članovi birati nove sindikalne organe, povjerenike podružnica i predsjednike nadzornih odbora ili potvrditi dosadašnje.

Skupština Podružnice razmatra i usvaja izvještaj o četverogodišnjem radu Sindikalnog i Nadzornog odbora Sindikalne Podružnice (2013-2017.godina) i utvrđuje pravce aktivnosti sindikalne podružnice za naredni četverogodišnji period (2017–2021.godina).

Skupština Podružnice bira svoje stalne organe – Sindikalni i Nadzorni odbor Sindikalne Podružnice, u skladu sa članom 40. stav 3 Statuta Samostalnog sindikata osnovnog obrazovanja i odgoja Federacije Bosne i Hercegovine.

Sindikalni odbor Podružnice između sebe bira sindikalnog povjerenika u skladu sa članom 41. i članom 44. stav 1 alineja 4 Statuta Samostalnog sindikata osnovnog obrazovanja i odgoja Federacije Bosne i Hercegovine.

Nadzorni odbor Sindikalne Podružnice na svojoj prvoj konstituirajućoj sjednici bira predsjednika Nadzornog odbora Podružnice, u skladu sa članom 45. stav 3 Statuta SSOOIO FBIH.

Poželjno je da se istog dana na sastanku Sindikalne Podružnice izvrši izbor Sindikalnog i Nadzornog odbora, ili sastanku Sindikalnog odbora, izbor povjerenika Sindikalne Podružnice, a na sastanku Nadzornog odbora izbor predsjednika Nadzornog odbora.

Svaki član Sindikata ima pravo, ali i obavezu da bira i bude biran, kao i da neposredno učestvuje u kandidovanju, predlaganju i biranju članova organa Samostalnog sindikata i Saveza samostalnih sindikata BIH, u skladu sa članom 88. stav 1 alineja 9 Statuta Samostalnog sindikata osnovnog obrazovanja i odgoja Federacije Bosne i Hercegovine.

Kandidature za stalne organe podružnica se ističu lično ili prihvatanjem prijedloga. Prilikom predlaganja kandidata vodi se računa da u sastavu organa bude adekvatna nacionalna, socijalna, djelatna, spolna i starosna zastupljenost, u skladu sa članom 100. stav 1 alineja 5 Statuta SSOIO FBIH.

Sindikalna podružnica i njeni organi mogu punovažno odlučivati ako im prisustvuje 2/3 od ukupnog broja članova, a odluke su punovažne ako se za njih izjasni većina ukupnog broja prisutnih članova u skladu sa članom 98. stav 6 Statuta SSOIO FBIH.

O prijedlozima izbora članova Sindikalnog i Nadzornog odbora, Sindikalnog povjerenika (bira ga Sindikalni odbor) i predsjednika Nadzornog odbora (bira ga Nadzorni odbor) glasa se javno ukoliko ti organi drugačije ne odluče, a izabran je onaj kandidat koji je dobio najveći broj glasova prisutnih na sastanku (član 98. i 99. Statuta).

IZBORI NA NIVOU KANTONA/ŽUPANIJA obaviće se u **periodu mart/ožujak – avgust/kolovoz 2017. godine**, u skladu sa članom 2. Odluke Upravnog odbora Sindikata o izborima u 2017. godini.

Kantonalno/županijsko povjereništvo, na izvještajno-izbornim sjednicama usvaja izvještaj o svojoj četverogodišnjoj aktivnosti (2013.-2017.godina), kao i programske ciljeve i zadatke za period 2017. - 2021. godine.

Kantonalno/županijsko povjereništvo, na istoj sjednici:

- Odlučuje o broju članova kantonalnog/županijskog odbora i bira ih u skladu sa odlukom koju donosi (član 51. stav 1 alineja 11 Statuta);
- bira članove kantonalnog/županijskog odbora prema kriterijima koje utvrdi Skupština Povjereništva posebnom odlukom, a na prijedlog Kantonalnog/Županijskog odbora, u skladu sa članom 56. Statuta;
- bira članove Nadzornog odbora Kantonalnog/Županijskog Povjereništva u skladu sa članom 61. Statuta.

Kantonalni/županijski odbor, na prvoj svojoj konstituirajućoj sjednici među svojim članovima, bira predsjednika i dopredsjednika Kantonalnog/Županijskog odbora u skladu sa članom 56. Statuta.

Nadzorni odbor, na svojoj prvoj sjednici, koju saziva najstariji član i njome predsjedava, među članovima Nadzornog odbora bira predsjednika Nadzornog odbora u skladu sa članom 61. Statuta.

Poželjno je da se istog dana održi sjednica Kantonalnog/Županijskog povjereništva, na kojoj će se izabrati Kantonalni/Županijski i Nadzorni odbor, sjednica Kantonalnog/Županijskog odbora na kojoj će se izabrati predsjednik i dopredsjednik Kantonalnog/Županijskog odbora i sjednica Nadzornog odbora na kojoj će se izabrati njegov predsjednik.

Kantonalno/Županijsko povjereništvo i njegovi organi (Kantonalni/Županijski i Nadzorni odbor) mogu punovažno odlučivati ako sjednici prisustvuje 2/3 od ukupnog broja članova, a odluke su punovažne, ako se za njih izjasni većina ukupnog broja prisutnih članova, u skladu sa članom 98. stav 6 Statuta.

Dužina trajanja mandata Kantonalnog/Županijskog povjereništva i njegovih organa, kao i predsjednika tih organa traje 4 godine, s tim što oni mogu biti ponovo izabrani na iste funkcije ukoliko su u toku trajanja mandata stekli povjerenje članstva zasnovano na efikasnosti i uspješnosti rada organa čiji su članovi, u skladu sa članom 16. stav 5 Statuta.

O prijedlogu kandidata za članove organa Kantonalnog/Županijskog povjereništva glasa se javno, ukoliko Povjereništvo drugačije ne odluči, a izabrani su oni kandidati koji dobiju najveći broj glasova prisutnih članova u skladu sa (član 98. i 99. Statuta).

U periodu **od septembra/rujna do decembra/prosinca 2017. godine**, održat će se sjednice Kantonalnih/Županijskih povjereništava na kojima će se razmatrati nacrti svih dokumenata za Skupštinu Samostalnog sindikata osnovnog obrazovanja i odgoja Federacije Bosne i Hercegovine (izvještaji o radu Upravnog i Nadzornog odbora, kao i Statutarne komisije za period 2013-2017. godine, programski ciljevi i zadaci Sindikata za period 2017-2021. godine i dr.).

Kantonalno/Županijsko povjereništvo, na tim sjednicama, bira delegate Skupštine i predlaže svoje kandidate za članove stalnih organa Sindikata (Upravnog i Nadzornog odbora, te Statutarne komisije) u skladu sa Odlukom o broju, kriterijima, strukturi i načinu izbora delegata Skupštine, članova Upravnog odbora, Statutarne komisije i Nadzornog odbora SSOIO FBiH, koju predlaže Upravni odbor, a istu utvrđuje Skupština, u skladu sa članom 16. i 51. Statuta.

Kantonalno/Županijsko povjereništvo evidentira i predlaže svoje kandidate i za najodgovornije funkcije u Samostalnom sindikatu osnovnog obrazovanja i odgoja Federacije Bosne i Hercegovine (predsjednika i dopredsjednike Upravnog odbora) u skladu sa članom 51. Statuta.

Radi očuvanja kontinuiteta u radu i djelovanju Sindikata na svim nivoima, u novoizabranim organima mora biti izabrano najmanje 1/3 članova ranijeg saziva svakog od organa.

Broj: 01-151/17

Datum, 28. januar/siječanj 2017. godine

 **PREDSJEDNIK**
Selvedin Satorović